

signem benevolentiam, quam absque omni merito filio meo, et in illo mihi præstitisti, dum eum in cognitione omnium naturæ Regnorum tam indefesso labore instruis. Gaudio me implevit Testimonium de ejus profectibus in Scientia naturali quos Tibi, Vir Illustris, soli debet.

Certe patri, cui nihil magis cordi est, quam bona educatio et solida eruditio filiorum, nulla beneficia æquiparari possunt Tuis erga meum filium.

Gratias Tibi, Vir Perillustris, habeo et refero quam maximas et humillimas, sperans fore ut filius meus bonis moribus et diligentia Tuo favore se semper digniorem reddat, in quo pergere gratiose velis. Hoc unicum adhuc a Te maximo opere peto, ut suppedites mihi occasionem Tibi quædam reddendi officia, quæ Tuis in me meritis aliquatenus respondeant. Deus T. O. M. servet Tibi, Vir Perillustris, per multa adhuc lustra vires et vitam ad Reipublicæ Litterariæ verum commodum omniumque bonorum gaudium.

Dabam in Nosocomio Fridericiano

Haffniensi d. 24. Sept. 1763.

---

*Johan Christian Fabricius*

f. 1745. d. 1807.

(74) Viro generosissimo et prænobilissimo  
 Domino C. a Linné  
 Equiti splendidissimo, Archiatro meriti-  
 tissimo, Professore celeberrimo  
 s. p. d.  
 J. C. Fabricius

Magna sane voluptate litteras TVAS legi iterumque perlegi. Multa enim in illis signa et recordationis et benevolentiae laetus inveni. De informatione TVA etiam gratias ago debitas. Pauca postea inveni naturalia tam insecta, quam vegetabilia; inuenta vero mihi minus nota nunc TIBI historiae